


# 庶物類纂

十一  
花屬



|      |            |
|------|------------|
| 内閣文庫 |            |
| 番號   | 和 32362    |
| 冊數   | 465 ( 36 ) |
| 函號   | 五 1        |

共三十




Kodak Gray Scale  
A 1 2 3 4 5 6 M 8 9 10 11 12 13 14 15 B 17 18 19



四〇四



川鶴花  
石巖花  
四時杜鵑花  
山躑躅  
紫躑躅



庶物類纂花屬卷之十目次  
杜鵑花  
紫杜鵑花  
白杜鵑花

羊踯躅

紅羊踯躅

杜鵑花

一名山石榴致富全書

一名滿山紅幼學須知

俗名索紫已

杜鵑花

杜鵑一名山石榴花極爛熳以杜鵑啼時開得名遵  
生八歲云花有三種張志淳永昌二芳記載杜鵑山  
茶各數十種大都花性喜陰畏熱不畏霜雪種用山  
泥揀去粗石羊矢浸水澆之更置樹下陰處則花葉  
青茂有用豆餅浸水候黑色澆之更妙灌園史曰自  
初夏至深秋宜日以河水灌之一種山鵑花大葉稀  
先開一月一名石巖然寔非也石巖先敷葉後著花  
其色丹如血杜鵑先著花後敷葉色差淡潤州鶴林

寺有杜鵑花相傳正元中外國僧自天台鉢中以藥養其本來植此寺人或見女子紅裳佳麗遊於花下殷七七能開非時之花女子謂七七曰欲開此花乎吾爲上帝所命下司此花在人間已逾百年非久卽歸闔死去今與道者共開之來日花果盛開如春夏間數日花俄不見亦無落花在地宋培桐曰石巖乃日顏石巖則訛字也杜鵑春鵑日顏非一種因花之相似故人皆誤稱其爲杜鵑耳竟不知杜鵑長止尺許春鵑長有丈許其枝幹盤圓五六臺者日顏枝葉

若黃楊之狀盤圓大如輪花茂如錦價甚貴顧長佩花史云杜鵑花有大紅粉紅二色春初扳枝著地用黃泥覆之俟生根截斷來年分栽又云浙人分杜鵑用綴法以竹管套於枝上肥土填實俟生根鬚截下裁之瑣碎錄云杜鵑花止用雨水澆最忌糞明周文華致富

杜鵑花三種有蜀中者佳謂之川鵑花內十數層色紅甚出四明者花可二三層色淡總名杜鵑喜陰惡肥天旱以河水澆之樹陰下放置則茂葉色青翠可

觀有黃白二色奇甚

明高濂遵生八歲

花之紅者杜鵑葉細花小色鮮辨密者曰石巖皆結數重臺自浙而至頗難畜餘于安仁間徧山如火卽山躡躅也吾地以無貴耳渥丹草種也有散丹有捲丹然詩人稱之最爲近古宜畜芍藥之後鶯粟花最繁華其物能變如意灌植妍好千態曾有作黃色綠色者遠視佳甚近頗不堪聞其粟可爲腐澀精物也又有一種小者曰虞美人又名滿園春千葉者佳

明王仲遵

敬美學圃雜疏

杜鵑有黃紫紅三色花性喜陰裁用山泥圃同春夏旦藥杜鵑一名山石榴一名山躡躅一名映山紅其性畏熱喜陰不畏霜雪自初夏至深秋宜日以河水灌之一種山鵑花大葉稀先開一月一名石巖然實非也石巖先敷葉後著花其色丹如血杜鵑先著花後敷葉色差淡

明王思義三才圖會

杜鵑喜陰惡肥早以河水澆之樹陰下放置則葉茂色青有黃白二色者畏熱不畏冷種法用山泥揀去粗石羊屎浸水澆之

明王仲遵

杜鵑花 端陽時花茂

同上

格物總論 杜鵑花 一名山石榴 一名山躑躅 蜀人號映山紅 此花有黃者紫者紅者五出者千葉者樹高四五尺或丈許春生苗葉淺綠而花極爛熳杜鵑啼時始開故名焉近似榴花樣羊誤食其葉則躑躅而死故又以山躑躅名之

明彭大翼張幼學山堂肆考

容齋隨筆 物以希見爲珍不必異種也 鶴林寺杜鵑乃今映山紅 又名紅躑躅 在江東彌山 旦野殆與椿葢相似而鶴林之花至以爲外國僧鉢盂中所移上

玄命玉女下司之已踰百年終歸閹死是不特土俗罕見雖神僊亦不識也 王建宮詞 太儀前日緩方來囑向昭陽乞藥栽勅賜一窠紅躑躅謝恩未了奏花開其重如此則宮禁亦鮮之矣

同上

杜鵑 一名躑躅 一名山石榴 一名映山紅 有深紅淺紅及紫者 白居易詩 九江三月杜鵑來 一聲啼得一花開 俗傳杜鵑啼血滴地而成此花 故名

八閩通志

杜鵑 一名躑躅 一名山石榴 一名映山紅 有深淺紅及紫者 白居易詩 九江三月杜鵑來 一聲啼得一花

開、益花開、正屬、杜鵑之候、閩書

謹按汀州府誌同、

杜鵑、一名躡躅、福州府志

杜鵑、一名躡躅、一名映山紅、一名山石榴、有深紅淺紅及紫者、平泉州花木記、紫躡躅即此也、周翠渠云、此花三月盛開、正杜鵑苦咷之時、因名杜鵑花、俗不察謂杜鵑啼血滴地而成、白居易詩云、九江三月杜鵑來一聲啼得一花開、此未可爲據、邵武府志

杜鵑、一名山石榴、一名山躡躅、一名映山紅、有深紅

淺紅及紫、三月盛開、正杜鵑咷苦之時、故名、安溪出、泉州府志

杜鵑狀如躡躅、而最繁、江陰縣志

杜鵑在鶴林寺、高丈餘、春月開花、傾城士女遊賞、相傳唐貞元中、有外國僧自天台鉢盂中以藥養根來種之、每春末開時、或窺二女子來游花下、俗傳花神也、其後有殷七七者、名文祥、又名道峯、周寶於長安中識之、及寶自涇源移鎮浙西、七七亦到郡、寶師敬益甚、一日謂七七曰、鶴林之花、天下奇絕、嘗聞能開、

非時花今重九將近能開此乎七七日可乃前二日  
往花所其夜聞女子來曰妾爲上帝司此花今與道  
者開之然此花不久當歸閨苑矣晨起花漸破蕊九  
日盛開如春寶驚異燕賀累日後因兵火焚寺根株  
不存詳見續仙傳按樂天東坡詩註并容齋隨筆所  
載皆云山石榴映山紅山躑躅卽此花也宋咸淳八  
年寺僧慶清迺以躑躅補其舊廸功郎光州司戶參  
軍朱正國作記刻石未幾枯瘁元延祐丙辰里人戈  
道恭家圃有此花乃移植故處蜀郡青陽翼爲記修  
重

杜鵑平泉花木記紫躑躅卽此也李太白宣城見杜  
鵑詩蜀國曾聞子規鳥宣城還見杜鵑花一叶一回  
腸一斷三春三月憶三巴宋志謂俗傳杜鵑啼血滴  
地而成花引白居易詩云九江三月杜鵑來一聲啼  
得一花開前志謂此花三月盛開正杜鵑啼血之時  
因名杜鵑花

興化府志

石巖卽杜鵑花

寧波府志

杜鵑花以二三月杜鵑鳴時開一名映山紅一名紅

躡躅會稽有二種其一先敷葉後著花者色丹如血其一先著花後敷葉者色差淡越人多植庭檻間結縛爲盤盂翔鳳之狀惟法華山奉聖寺佛殿前者特異樹高與殿簷等而色尤紅花正發時照耀楹桷牆壁皆赤每歲花苞欲折時寺僧先期以白郡府守倅率郡僚往燕其下邦人亦競出之寺僧厭其擾陰成之蓋宋時已彫枯云郡齋有杜鵑樓天衣雲門諸刹皆有之又上虞釣臺山上雙筭石其頂有杜鵑花春夏照爛望之若人立而飾其冠冕者齊唐記宋太

祖太宗真宗遇密之時花枯瘦三載乃復上虞志又謂神宗崩三年不榮高宗崩花忽變白孝宗崩三年若枯既而復茂嘉泰志云近時又謂先敷葉後著花者爲石巖以別之然鄉里前輩但謂之紅躡躅不知石巖之名起於何年宋僧擇璘詩蠶老麥黃三月天青山處處有啼鵑斷崖幾樹淡如血照水晴花煖欲然三嘆雀林成夢寐前生閬苑覓神仙小山挂頰愁無奈又怕聲聲聒夜眠僧仲皎石巖花詩繁陰歷歷爍晴空過了花間幾信風明日画闌俱徙倚卻須有

句到芳叢

紹興府志

杜鵑台山致多山澗邊有高十二丈者惟紫色者極高有四五色白者蓋寡

天台山方外志

五色杜鵑花生於他處者惟大紅及淡紅二色獨白雲洞巖壁間生者有五色

明謝肇淛鼓山志

杜鵑花卽躑躅類有大紅粉紅黃者千葉可珍喜陰畏油煙映山紅有紅白淡淺皆單葉紅者取汁可染

清皖桐方氏物理小識

杜鵑花極爛熳以杜鵑啼時開故名長止尺許先花

後葉性喜陰畏熱用山泥揀去粗石羊屎浸水澆之更置樹下陰處則花葉青茂春鵑長丈許枝幹盤圓五六臺者石巖先葉後花其色丹如血川鵑一名嬋娟因花之相似人皆誤呼爲杜鵑然實非也

清石巖逸叟增定致富奇書

杜鵑一名紅躑躅樹不高大重瓣紅花極其爛熳每於杜鵑啼時盛開故有是名先花後葉出自蜀中者佳花有十數層紅艷比他處者更甚性最喜陰而惡肥每早以河水澆置之樹陰之下則葉青翠可觀亦

有黃白二色者，春鵠亦有長丈餘者，須種以山黃泥，澆以羊糞水，方茂若用映山紅接者，花不甚佳，切忌。

糞水宜豆汁澆

清陳淏子  
秘傳花鏡

杜鵠有三種，出蜀中者佳，謂之川鵠，色紅而瓣可十  
餘層，出四明者三四層，而色淡，喜陰惡肥，放置樹陰  
下，以河水澆之，則花鮮而葉茂，別有黃者，紫者，白者。

清沈賦  
名花譜

種法用山泥，揀去砂石，以羊糞浸水澆之，移來原土  
勿去培土，以種灌之，河水花自榮潤。

同上

杜鵠櫻桃二種，花之可有可無者也，所重于櫻桃者，在實不在花，所重于杜鵠者，在西蜀之異種，不在四方之恒種，如名花俱備，則二種開時，儘有快心而奔目者，欲覽餘芳，亦愁少暇。

清李漁閑  
情偶奇

白杜鵑花

花屬

白杜鵑花

一

白杜鵑花

杜鵑花有黃白二色奇甚

明高濂遵生八歲

杜鵑台山致多山澗邊有高一二丈者惟紫色者極高有四五色白者蓋寡

天台山方外志

杜鵑別有黃者紫者白者

清沈賦名花譜

花屬

紫杜鵑花

一

紫杜鵑花

花屬

紫杜鵑花

二

紫杜鵑花

杜鵑有深紅、淺紅及紫者、八閩通志

花屬

四時杜鵑花

四時杜鵑花

四時杜鵑花

四時杜鵑花、平泉草木記、稽山之四時、杜鵑、紹興府志

川鵠花

一名蟬娟、增定致富奇書

川鶲花

杜鶲花三種、有蜀中者佳、謂之川鶲花、內十數層、色紅甚、出四明者花可二十三層、色淡、總名杜鶲、喜陰惡肥、天旱以河水澆之、樹陰下放置、則茂葉、色青翠、可觀、有黃白二色、奇甚。明高濂遵生八牋

杜鶲花出自蜀中者佳、謂之川鶲花、內十數層、色紅、出四明者花可二十三層、色淡、總名杜鶲、有一種石巖映山紅接者不佳。明王仲遵  
花史左編

川鶲、一名嬪娟、因花之相似、人皆誤呼爲杜鶲、然實

非也 清石巖逸叟增定致富奇書

石巖花

## 石巖花

宋培桐曰石巖乃日顏石巖則訛字也杜鵑春鵑日顏非一種因花之相似故人皆誤稱其爲杜鵑耳竟不知杜鵑長止尺許春鵑長有丈許其枝幹盤圓五六臺者日顏枝葉若黃楊之狀盤圓大如輪花茂如

錦價甚貴

明周文華致富全書

花之紅者杜鵑葉細花小色鮮瓣密者曰石巖皆結數重臺自浙而至頗難畜餘于安仁間徧山如火卽山躡躅也吾地以無貴耳

明王敬美學圃雜疏

石巖卽杜鵑花

寧波府志

春鵑長丈許枝幹盤圓五六臺者石巖先葉後花其色丹如血

清石巖逸叟增定致富奇書

山躉躅

一名映山紅

遵生八歲

## 山躑躅

山躑躅處處山谷有之、高者四五尺、低者一二尺、春生苗葉淺綠色、枝少而花繁、一枝數萼、二月始開、花如羊躑躅、而蒂如石榴花、有紅者紫者、五出者千葉者、小兒食其花、味酸無毒、一名紅躑躅、一名山石榴、一名映山紅、一名杜鵑花、其黃色者卽有毒羊躑躅也。

明李東壁  
本草綱目

天下山躑躅莫盛於豫章餘干安仁境內、紅有濃淡二色、閩中不逮也、然此地紅躑躅未盛開時、有一種

紫者先開，多在泉石邊，亦甚麗。豫章所無也。紅殘後，豫章復開一種黃者，亦此地所間有。

明王敬美  
閩部疏

閩中大都氣暖，春花皆先時放。方二月下旬，已見躡躅，每肩輿行山徑中，喬松灌木互相掩映，綠波外揚。丹崖內聳，鷓鴣鳴啼，畫眉弄舌殊不知。巾車爲苦，上同花之紅者杜鵑葉細花小，色鮮瓣密者曰石巖，皆結數重臺，自浙而至，頗難畜。餘于安仁間偏山如火，卽山躡躅也。吾地以無貴耳。

明王敬美  
學圃雜疏

映山紅本名山躡躅花類。杜鵑稍大，單瓣色淺，若生

滿山頂，其年豐稔，人競採之外，有紫粉紅二色。

明高濂遵

映山紅本名山躡躅花類。杜鵑稍大，單瓣色淺，若生滿山頂，其年豐稔。

山花應是田禾好友，否則何以豐歉同之。

明王仲遵花史左編

映山紅連山土移種園中始活。

上同

映山紅有紅白深淺，皆單葉，紅者取汁可染。

清皖桐方氏物

理小識

映山紅本名山躡躅花似杜鵑稍大，單瓣淺色，若生滿山，其年豐稔，又有紫粉紅二色，以羊屎浸水澆之。

清石巖逸叟增定致富奇書

馬牛類集

卷十

映山紅花小兒宜食之

同上

山躑躅俗名映山紅類杜鵑花而稍大單瓣色淡若生滿山頭其年必豐稔人競採之亦有紅紫二色紅者取汁可染物以羊糞爲肥若欲移植家園須以本土壅始活

清陳淏子秘傳花鏡

紫躑躅

紫躑躅

天下山躑躅莫盛於豫章餘千安仁境內紅有濃淡二色閩中不逮也然此地紅躑躅未盛開時有一種紫者先開多在泉石邊亦甚麗豫章所無也紅殘後豫章復開一種黃者亦此地所間有明王敬美  
閩部疏

杜鵑有黃紫紅三色花性喜陰裁用山泥夏旦藥圃同春

杜鵑台山致多山澗邊有高一二丈者惟紫色者極高有四五色白者蓋寡天台山方外志

杜鵑一名躑躅一名映山紅一名山石榴有深紅淺

廣雅

卷之二

七

紅及紫者平泉記紫躑躅卽此也

邵武府志

羊躑躅

一名玉支

名醫別錄

一名鬧陽花

濟世全書

一名落羊

花同上一名黃春蓼花

蓼花同上

一名搜山虎

虎同上

一名

鬧羊花

物理小識

俗名已列莫絮州

山城

花屬

羊躑躅

一

羊躡躅

羊躡躅生太行山川谷及淮南山今所在有之春生苗似鹿葱葉似紅花莖高三四尺夏開花似凌霄山石榴旋蓄輩而正黃色羊誤食其葉則躡躅而死故以爲名三月四月採花陰乾今嶺南蜀道山谷徧生皆淡紅色如錦繡然或云此種不入藥本草圖經

羊躡躅韓保昇所說似桃葉者最的其花五出蕊瓣皆黃氣味皆惡蘇頌所謂淡紅色者卽山石榴名紅躡躅者無毒與此別類張揖廣雅謂躡躅一名决光

者誤矣。決光、決明也。按唐李紳文集言駱谷多山枇杷，毒能殺人。其花明艷，與杜鵑花相似。樵者識之，其說似羊躡躅，未知是否。要亦其類耳。

明李東壁本草綱目

謹按羊躡躅花有紅黃正黃二色。若杜鵑花其品甚多，則此種亦當必有異種也。蘇頌所說固應不謬也。

羊躡躅生諸山中。花大如杯盞，類萱黃色。羊食生疾。

若癇

明高濂遵生八歲

羊躡躅生諸山中。花大如杯盞，類萱黃色。羊食之則

躡躅而死。或云羊食則生疾。

明王仲遵花史左編

鬧陽花，一名落羊花。卽黃春蓼花。卽羊躡躅花。根名

搜山虎。治大風疾。

明龔廷賢濟世全書

鬧羊花炒鍋炒研末，遇跌擊損傷，服三分，被覆出汗，漸止。傷重再服。骨折者，黃雄狗頭燒灰末，小黃米粉等分水調敷之。○清皖桐方氏

物理小識

紅羊躑躅

俗名列莫絜紫紫十丹後

紅羊躑躅

躑躅生山谷間莖高三四尺夏開花似凌霄紅黃色

唐人詩云五渡溪頭躑躅紅

江陰縣志

羊躑躅有紅黃各種宜山地

清石巖逸叟定增奇書

庶物類纂花屬卷之十一目次

- 繡毬花  
麻葉繡毬  
碧繡毬  
雪毬  
滾繡毬  
山丹  
八仙花

繡毬花

一名粉團花

遵生八牋

一名白粉團

花史左編

一名玉

繡毬

重修鎮江府志

俗名捏埋里

## 繡毬花

繡毬木本皴體葉青色微帶黑而澀春月開花五瓣百花成朵團圓如毬其毬滿樹花有紅白二種宜寄枝用八仙花體明王蓋臣二如亭羣芳譜

繡毬花藤生一蒂而衆花攢聚圓白如流蘇儼然一毬也初青後白開與牡丹同時潔白富麗他花罕比特欠標格少香韻耳顧東橋詩不惜荆山玉裝成素錦毬春風解憐汝拋擲與誰收夏禹錫亦謂繡字有未當改名素毬又一種花小而葉繁者謂之麻葉繡

毬而開亦同時、又有八仙花祇八蕊簇成一朶、亦自奇特、今人多於八仙上、挨接繡毬、亦以其花相似、故水雲錄云、先取八仙花、裁瓦盆中、俟春間、連盆移就繡毬花畔、將八仙梗離根七八寸刮去半邊皮、約長一二寸、將繡毬嫩枝亦刮去半邊、彼此挨合一處、用麻纏縛、頻用水澆候樹皮連合截斷、繡毬花下餘枝、次年開花、即如巨樹所生、暢茂、凡諸花皮葉相似者、皆用此法、挨接。明周文華致富全書

粉團花二種、麻葉花開小而色邊紫者爲最、其白粉

團卽繡毬花也、宜種牡丹臺處、與牡丹同開、用爲襯色甚佳、俱用八仙花種於盆內、削去半邊、架起就接。

明高濂遵

生八歲

福州府志

繡毬作花甚繁、簇成如毬、故以名、用八仙花接、故枝

易生明王思義

三才圖會

粉團似雪毬而小

福州府志

繡毬一葉衆蕊、團團湊合如簇毬、膚神清麗、王元美

詩流蘇帶緩、初成結、翡翠簾垂半壓鉤

漳州府志

繡毬一葉衆蕊、團團湊合如簇毬、王元美詩流蘇帶

緩初成結翡翠簾垂半壓鉤

汀州府志

玉繡毬一蒂而衆花攢聚圓白如流蘇故名

俞德隣

佩韋集有賦楊提舉南園玉繡毬花詩

重修鎮江府志

繡毬似八仙大朵作團故以爲名

江陰縣志

繡毬有大小二種

嘉興縣志

繡毬花藤生初青後白與牡丹同時開又一種花小而葉繁者謂之麻葉繡毬開亦同時又八仙花祇八蕊簇成一朵接法先將八仙梗離根約七八寸刮去半邊皮將繡毬枝亦刮去半邊用麻縛定頻頻澆水

候皮連截斷次年開花甚茂眉公秘笈云蜀中有紫繡毬

清石巖逸叟增定致富奇書

粉團花蕊叢生環結如毬小者名麻毬葉麻花開而色邊紫者爲最卽繡毬花與牡丹同宜種臺畔用以觀色甚佳

清沈賦名花譜

接法以八仙花種盆中次年春連盆移就粉團下將八仙離土七八寸刮去半邊皮約長寸許將粉團亦刮去半邊兩合用麻縛縛頻用水澆至十月候皮生

截斷分開則花繁

同上

粉團一名繡毬樹皮體皴葉青而微黑有大小二種  
麻葉小花一蒂而衆花攢聚圓白如流蘇初青後白  
儼然一毬其花邊有紫暈者爲最俗以大者爲粉團  
小者爲繡毬閩中有二種紅繡毬但與粉團之名不  
相侔耳麻毬海桐俱可接繡毬

清陳淏子  
秘傳花鏡

天工之巧至開繡毬一花而止矣他種之巧純用天  
工此則詐施人力似肖塵世所爲而爲者翦春羅翦  
秋羅諸花亦然天工于此似非無意蓋曰汝所能者  
我亦能之我所能者汝實不能爲也若是則當再生

一二蹴毬之人立于樹上則天工之鬪巧者全矣其  
不屑爲此者豈以物可肖而人不足肖乎

清李漁閑  
情偶奇

俗名挨十索異

麻葉繡毬

一名紫繡毬遵生八牋一名麻葉粉團同上一名麻

毬松江府志

麻葉繡毬

繡毬花一種、花小而葉繁者、謂之麻葉繡毬、而開亦  
同時。明周文華致富全書

麻葉花開小而色邊紫者爲最。明高濂遵生八牋

紫繡毬俗名麻葉粉團。

同上

粉團花葉麻花開小而色邊紫者爲最、其白粉團卽

繡毬花也。

明王仲遵花史左編

繡毬一葉百蕊、一花四英如簇、紅毬者曰山丹、白者

名粉繡毬、千葉如盤、大

明鄧元錫函史

繡毬千葉如盤、大

明鄧元錫函史

花屬 麻葉繡毬

二

繡毬另小者爲麻毬

松江府志

繡毬花藤生初青後白與牡丹同時開又一種花小而葉繁者謂之麻葉繡毬開亦同時

清石巖逸叟增定致富奇書

麻葉小花一蒂而衆花攢聚圓白如流蘇初青後白儼然一毬其花邊有紫暈者爲最

清陳淏子秘傳花鏡

碧繡毬

碧繡毬

繡毬花、花小朵、叢簇如毬、色白帶淺碧、常熟

庶物類纂

卷二

花屬

雪絨

一

雪絨

雪毬

雪毬色白喜陰常澆以肥鮮秀異常花大如斗近覺

微香

夏旦 藥圃同春

雪毬花白狀如繡毬

福州府志

雪毬花開花甚繁簇成如毬因名其白如雪用八仙

花接故枝易生

福清志續畧

滾繡毬

一名粉繡毬史函一名玉團同春一名小雪毬药圃

上同

滾繡毬

袞繡毬、藤生、花一簇數十蕊、其圓如毬、初開微帶粉紅色、開盡則白。八閩通志

謹按閩書同蕊作葉、福州府志、袞作滾、

玉團、卽小雪毬、喜腴、宜陰極。

夏旦药圃同春

繡毬、一葉百蕊、一花四英如簇、紅毬者曰山丹、白者

名粉繡毬、千葉如盤、大。明鄧元錫函史

滾繡毬、花白、圓如毬。

福州府志

山丹

一名紅繡毬

學圃疏

俗名別尼革骨

## 山丹

紫荆郁李繡毬皆非奇卉。然是點綴春光者亦是難  
廢。下至金雀錦帶棣棠翦春羅雖瑣瑣彌甚園中安  
可無一繡毬亦無足取。初見閩人來賣一花云是紅  
繡毬。倭國中來者余後至建寧見縉紳家庭中花簇  
紅毬儼如翦綵名曰山丹乃知是閩卉也此種亦堪  
置庭中

明王敬美  
學圃雜疏

山丹其花一葉百蕊狀如繡毬淡紅色一花四英四  
月開花至八月尚爛熳又有四時開花者曰四季山

丹見僊遊縣志○明慎  
懋官華夷花木考

謹按三才圖會同葉作蒂

山丹花一蒂百餘蕊狀如繡毬淡紅色一花四英東坡所謂錯落瑪瑙盤是也亦有粉紅者四月開花至八月尚爛熳又有四時常開者閩書

謹按汀州府誌同八閩通志作其花一蒂百餘蕊如繡毬狀

山丹一華百蕊如繡毬狀淡紅色蘇子瞻謂錯落瑪瑙盤是也學圃雜疏曰初見閩人來賣云是紅繡毬

倭國中來者後至閩見花簇紅毬儼如翦綵名曰山丹乃知是漳州府志

山丹花有紫白二色又一種名金沙而香不及紅色一蒂百餘蕊如絳羅囊林迴詩葉翦青油藥渥丹春風隨種出蘭干碧桃黃菊凋零後誰伴長松到歲寒

福州府志  
山丹樹叢生高者四五尺其花四英淡紅色間有百餘花簇聚一蒂如繡毬狀四月開至八月尚爛熳東坡所謂錯落瑪瑙盤是也邵武府志

山丹一花四英、淡紅色間有百餘花簇聚一蒂、如繡  
毬狀亦有粉紅者、四月開花至八月尚爛熳、興化府志

八仙花

一名聚八仙、八閩通志

俗名革異法加賀州

八仙花

八仙花祇八蕊簇成一朵亦自奇特

明周文華致富全書

聚八仙狀類瓊花而八蝶簇一心又有蝴蝶垂枝條而兩兩相對者又有小蝶簇聚如碧石玉者皆曰玉蝶又有玉翼蟬碧蟬八閩通志

玉蝴蝶色白如瓊花垂枝相對又有八蝶簇一心謂之聚八仙

福州府志

八仙狀如瓊花八蝶簇一心又有小蝶簇聚如碧石玉者曰玉蝴蝶重修江府志

八仙如瓊花八蝶簇一心有小蝶簇叢者曰玉蝴蝶

江陰縣志

八仙花花色如繡毬八朵叢簇幹高丈餘常熟

縣志

聚八仙狀類瓊花八蝶簇一心又有蝴蝶兩兩相對者又有小蝶簇聚如碧玉者出澗谷間皆曰玉蝴蝶

又有玉翼蟬碧蟬閩

書

聚八仙卽宋人取以接瓊花者

湖廣志

八仙花祇八蕊簇成一朵

清石巖逸叟增定致富奇書

八仙花卽繡毬之類也因其一蒂八蕊簇成一朵故

名八仙其花白瓣薄而不香蜀中紫繡毬卽八仙花  
如欲過貼將八仙移就粉團樹畔經年性定離根七八寸許如法貼縛水澆至十月侯皮生截斷次年開花必盛昔日瓊花至元時已朽後人遂將八仙花補之亦八仙之幸也

清陳淏子秘傳花鏡



御文庫

